



*Bosna i Hercegovina  
Federacija Bosne i Hercegovine  
Tuzlanski Kanton  
Općina Lukavac  
Općinsko Vijeće*

---

*Lukavac, 09.03.2012. godine*

# **SLUŽBENI GLASNIK OPĆINE LUKAVAC**



Akti Općinskog vijeća

1. Odluka o izmjeni Odluke o davanju u zakup stanova na kojima pravo raspolaganja ima Općina Lukavac
2. Odluka o utvrđivanju kriterija za dodjelu stipendija
3. Zaključak o davanju prethodne saglasnosti Općinskom načelniku za potpisivanje Memoranduma o razumijevanju između Nevladine organizacije Udruženja za promociju okolišne svjesnosti i održivog povratka MANIFESTA sa sjedištem u Sarajevu i Općine Lukavac
4. Zaključak kojim se odbacuje prijedlog Jahić Munira iz Sarajeva za obnovu postupka okončanog Rješenjem ovog organa broj:01-31-2122/06 od 06.11.2006.godine
5. Rješenje o razrješenju člana Etičkog odbora
6. Rješenje o razrješenju i imenovanju predsjednika i člana Komisije za boračka pitanja
7. Zaključak o produženju mandata članovima Upravnog odbora JP "Rad



Bosna i Hercegovina  
Federacija Bosne i Hercegovine  
Tuzlanski kanton  
Općina Lukavac  
Općinsko vijeće

Broj:01-02-1-243 / 12  
Lukavac, 29.02.2012. godine

Na osnovu odredaba Zakona o izdavanju stanova u zakup („Službene novine TK“, broj 7/04. ) i člana 32. Statuta općine Lukavac-prečišćeni tekst („Službeni glasnik općine Lukavac“, broj 5/08. ), Općinsko vijeće Lukavac, na 44. sjednici održanoj dana 29.02.2012. godine, donijelo je

**ODLUKU**  
o izmjeni odluke o davanju u zakup stanova  
na kojima pravo raspolaganja ima općina Lukavac

**Član 1.**

Član 7. Odluke o davanju u zakup stanova na kojima pravo raspolaganja ima općina Lukavac („Službeni glasnik općine Lukavac“, broj 4/09. ) se mijenja i glasi :

„Zakupnina koju plaćaju korisnici stana, a koji nemaju svojstvo zaštićenog zakupca iznosi :

( ZONA 1. – Grad Lukavac – Centar I. i II. ) ..... 1,60 KM/m<sup>2</sup> mjesečno  
( ZONA 2. – Grad Lukavac – ostalo područje ) ..... 1,20 KM/m<sup>2</sup> mjesečno  
( ZONA 3. – Ostalo područje općine Lukavac ) ..... 0,80 KM/m<sup>2</sup> mjesečno

**Član 2.**

Ova Odluka stupa na snagu danom objavljivanja u Službenom glasniku općine Lukavac.

**PREDSJEDAVAJUĆI**  
**OPĆINSKOG VIJEĆA**

*Suljo Suljević, prof. soc.s.r.*



Broj:01-02-1-272 / 12  
Lukavac, 29.02.2012. godine

Na osnovu člana 32. Statuta općine Lukavac – Prečišćeni tekst- («Sl. glasnik općine Lukavac», broj 5/08), i člana 31. Odluke o izvršenju budžeta općine Lukavac za 2012.godinu (Sl.glasnik općine Lukavac» broj: 1/ 12) Općinsko vijeće Lukavac, na 44. redovnoj sjednici održanoj dana 29.02.2012.godine, donijelo je

**O D L U K U**  
o utvrđivanju kriterija za dodjelu stipendija

**Član 1.**

Ovom Odlukom utvrđuju se kriteriji za dodjelu stipendija učenicima srednjih škola i studentima sa područja općine Lukavac za školsku 2011/12 i budžetsku 2012. godinu, uslovi dodjele, broj i visina stipendija.

**Član 2.**

1. Putem Javnog konkursa, a prema uslovima i kriterijima utvrđenim ovom Odlukom, učenicima srednjih škola će biti dodijeljeno 26 stipendija (16 stipendija učenicima iz socijalno ugroženih kategorija i 10 stipendija iz reda ostalih) i studentima 26 stipendije (16 stipendija učenicima iz socijalno ugroženih kategorija i 10 stipendija iz reda ostalih) - za školsku 2010/2011.godinu, kako slijedi:

- I godine studija 5 stipendija, (3 stipendije studentima iz socijalno ugroženih kategorija i 2 stipendije iz kategorije ostalih)
- II godine studija 5 stipendija, (3 stipendije studentima iz socijalno ugroženih kategorija i 2 stipendije iz kategorije ostalih)
- III godine studija 5 stipendija, (3 stipendije studentima iz socijalno ugroženih kategorija i 2 stipendije iz kategorije ostalih)
- IV godine studija 5 stipendija, (3 stipendije studentima iz socijalno ugroženih kategorija i 2 stipendije iz kategorije ostalih)
- V godine studija 3 stipendije - (2 stipendije studentima iz socijalno ugroženih kategorija i 1 stipendija iz kategorije ostalih)
- VI godine 3 stipendije - (2 stipendije studentima iz socijalno ugroženih kategorija i 1 stipendija iz kategorije ostalih)

2. Učenicima generacije osnovnih i srednjih škola i studentima bit će dodijeljeno 11 stipendija (8 đačkih i 3 studentske stipendije)

3. Učenicima i studentima boračke populacije sa područja općine Lukavac bit će dodijeljeno 30 stipendija, kako slijedi:

- Učenicima i studentima (djeca RVI-a) bit će dodijeljeno: 5 stipendija učenicima srednjih škola i 5 stipendija studentima - (redovni ili studij za vlastite potrebe);
- Učenicima i studentima (djeca PŠiPB) bit će dodijeljeno: 5 stipendija učenicima srednjih škola i 5 stipendija studentima - (redovni ili studij za vlastite potrebe);
- Učenicima i studentima (djeca demobilisanih boraca) bit će dodijeljeno: 5 stipendija učenicima srednjih škola i 5 stipendija studentima - (redovni ili studij za vlastite potrebe);

- Učenicima iz manjinskog naroda - Roma bit će dodijeljeno: 4 stipendije učenicima srednjih škola;

- Učenicima i studentima sa posebnim potrebama bit će dodijeljeno: 2 stipendije učenicima srednjih škola i 1 stipendija studentima.

Za navedenu kategoriju učenika/ studenata Konkurs za dodjelu stipendija će raspisati i provoditi Organizacije i Udruženja sa područja općine Lukavac (Organizacija RVI, Udruženje PŠ i PB, Organizacija demobilisanih boraca), a za Udruženja Roma i Udruženje roditelja sa posebnim potrebama konkurs će provodit Komisija imenovana od strane općinskog Načelnika - u skladu sa ovom Odlukom o utvrđivanju kriterija za dodjelu stipendija.

Nakon povedenog postupka a u skladu sa kriterijima iz ove Odluke, navedena Udruženja i Organizacije će postupiti u skladu sa članom 11. i članom 12. stav 1. i stav 2. ove Odluke.

- U slučaju nedovoljnog broja prijavljenih učenika/ studenata kod kategorije ORVI-a, stipendije će se preusmjeriti za učenike/ studente iz kategorije Organizacije porodica šehida i palih boraca i Organizaciju demobilisanih boraca;

- U slučaju nedovoljnog broja prijavljenih učenika/ studenata kod kategorije OPŠiPB, stipendije će se preusmjeriti za učenike/ studente iz kategorije RVI-a i Organizaciju demobilisanih boraca

- U slučaju nedovoljnog broja prijavljenih učenika/ studenata kod kategorije ODB-a, stipendije će se preusmjeriti na učenike/ studente iz kategorije OPŠiPB i ORVI.

Ukoliko, shodno navedenom, dođe do preraspodjele stipendija o istom će se sačiniti službena zabilješka koja će se dostaviti općinskom Načelniku.

Potrebna dokumentacija:

- Rodni list
- Uvjerenje o prebivalištu
- Potvrda o redovnom školovanju
- Potvrda o prosjeku ocjena iz prethodne školske godine
- Uvjerenje Službe za boračko invalidsku zaštitu o statusu
- Ovjerena izjava da kandidat nije korisnik stipendije ili studentskog kredita po drugom osnovu

4. Općinski načelnik može, neovisno od kriterija za dodjelu stipendija utvrđenih ovom Odlukom, dodijeliti 5 stipendije učenicima srednjih škola i 5 stipendija studentima (redovni ili studij za vlastite potrebe). Općinski načelnik može, od ukupnog broja stipendija koje dodjeljuje, dodijeliti i jednu učeničku i jednu studentsku stipendiju za djecu preminulih uposlenika Općine Lukavac, a koji se nalaze na redovnom školovanju u BiH (redovni ili studij za vlastite potrebe).

### Član 3.

Visina stipendije iz člana 2. ove Odluke iznosi:

- za učenike srednjih škola - mjesečno 50,00 KM;
- za studente mjesečno - 100,00 KM.

Stipendije se dodjeljuju za jednu školsku godinu i isplaćivat će se za deset mjeseci.

Odobrena sredstva po ovoj Odluci isplatit će se korisnicima u skladu sa planiranim sredstvima u Budžetu .

### Član 4.

Izbor kandidata za stipendiranje vrši se na osnovu prijave na konkurs.

Konkurs sadrži:

- uslove koje kandidati moraju ispunjavati;

- broj kandidata koji se stipendiraju
- rok za podnošenje prijava
- način prigovora po rezultatima konkursa

#### Član 5.

Opšti uslovi za dodjelu stipendija za učenike srednjih škola i studente jesu da je kandidat:

- državljanin BiH
- da kandidat i članovi porodičnog domaćinstva imaju prebivalište na području općine Lukavac ( u posljednjih godinu dana, osim djece radnika Općine Lukavac kojima stipendije dodjeljuje Općinski načelnik)
- da je redovan učenik - student koji prvi put upisuje školsku godinu.
- da se školuje na univerzitetima i srednjim školama u BiH

Kriteriji za dodjelu stipendija su:

- uspjeh u školi
- materijalni položaj
- socijalni status
- da nije korisnik stipendije po drugom osnovu
- da u istoj porodici nema korisnika ove stipendije

U slučaju da ima manje prijavljenih studenata odnosno učenika na nižoj godini odnosno razredu, stipendije će se rasporediti na više godine studija odnosno na više razrede.

U slučaju da na višoj godini odnosno razredu ima manje prijavljenih kandidata stipendije će se rasporediti na niže godine studija odnosno razrede.

Komisija za dodjelu stipendija će izvršiti preraspodjelu stipendija u skladu sa navedenim i o istom sačiniti službenu zabilješku koju će dostaviti općinskom Načelniku.

#### Član 6.

Učenici i studenti mogu konkurisati za dodjelu stipendija u jednoj od slijedećih kategorija:

Kategorija 1. Učenici generacije osnovnih i srednjih škola

Kategorija 2. Učenici i studenti iz socijalno ugroženih kategorija

Kategorija 3. Ostali učenici i studenti

#### Član 7.

Bodovanje će se vršiti kako slijedi:

**KATEGORIJA 1. Učenik generacije**

- U ovoj kategoriji nema bodovanja

Potrebna dokumentacija:

- Rodni list
- Uvjerenje o prebivalištu
- Diploma učenika generacije u školskoj 2010/11 godini
- Potvrda o redovnom školovanju
- Ovjerena izjava da kandidat nije korisnik stipendije ili studentskog kredita od drugog davaoca

**KATEGORIJA 2: UČENICI I STUDENTI IZ SOCIJALNO UGROŽENIH KATEGORIJA:**

##### USPJEH U ŠKOLI

1. - za učenike prvih razreda srednjih škola koji su u osmom razredu ostvarili prosječnu ocjenu od najmanje 4,50 - bodovanje će se izvršiti množenjem prosječne ocjene sa koeficijentom 5;

- za učenike drugih, trećih i četvrtih razreda srednjih škola koji su ostvarili prosječnu ocjenu od najmanje 4,50 u prethodnoj godini – bodovanje će se izvršiti množenjem prosječne ocjene sa koeficijentom 5;
- za redovne studente koji prvi put upisuju prvu godinu - bodovanje će se izvršiti množenjem prosječne ocjene iz prethodne godine od najmanje 4,50 sa koeficijentom 5;
- za redovne studente koji prvi put upisuju drugu i naredne godine studija a koji su ostvarili prosječnu ocjenu od najmanje 7,00 – bodovanje će se izvršiti množenjem prosječne ocjene sa koeficijentom 5.
- studenti dodiplomskog studija koji imaju prosječnu ocjenu u prethodnoj akademskoj godini 9,00 i više ostvaruju pravo na stipendiju i neće se bodavati.

#### SOCIJALNI USLOVI:

- Korisnik (učenik – student bez oba roditelja) ..... 15 bodova
- Korisnik učenik (učenik - student sa jednim roditeljem).....10 bodova

#### MATERIJALNI POLOŽAJ:

- Korisnik iz porodice uživaoca socijalne pomoći.....35 bodova
- Korisnik (učenik – student) iz porodice nezaposlenih roditelja....30 bodova
- Visina prihoda po članu domaćinstva do 50 KM.....25 bodova
- Visina prihoda po članu domaćinstva od 51 KM – 150 KM ... 20 bodova
- Brat ili sestra su redovni studenti (po članu) ..... 02 boda
- Brat ili sestra pohađaju osnovnu ili srednju školu (po članu).....01 bod

Učenici i studenti inovatori za rezultate ostvarene na zvaničnim takmičenjima 03 boda

### **KATEGORIJA 3: OSTALI UČENICI I STUDENTI**

#### USPJEH U ŠKOLI

- za učenike prvih razreda srednjih škola koji su u osmom razredu ostvarili prosječnu ocjenu od najmanje 4,50 - bodovanje će se izvršiti množenjem prosječne ocjene sa koeficijentom 5;
- za učenike drugih, trećih i četvrtih razreda srednjih škola koji su ostvarili prosječnu ocjenu od najmanje 4,50 u prethodnoj godini – bodovanje će se izvršiti množenjem prosječne ocjene sa koeficijentom 5;
- za redovne studente koji prvi put upisuju prvu godinu - bodovanje će se izvršiti množenjem prosječne ocjene iz prethodne godine od najmanje 4,50 sa koeficijentom 5;
- za redovne studente koji prvi put upisuju drugu i naredne godine studija a koji su ostvarili prosječnu ocjenu od najmanje 8,00– bodovanje će se izvršiti množenjem prosječne ocjene sa koeficijentom 5.
- studenti dodiplomskog studija koji imaju prosječnu ocjenu u prethodnoj akademskoj godini 9,00 i više ostvaruju pravo na stipendiju i neće se bodavati.

Učenici i studenti inovatori za rezultate ostvarene na zvaničnim takmičenjima 03 boda

#### SOCIJALNI USLOVI:

- Korisnik (učenik – student bez oba roditelja) ..... 15 bodova
- Korisnik učenik (učenik - student sa jednim roditeljem)...10 bodova

#### MATERIJALNI POLOŽAJ:

1. Visina primanja po članu domaćinstva od 151 – 250 KM..... 20 bodova
2. Visina primanja po članu domaćinstva od 251 - 300 KM.....15 bodova
3. Visina primanja po članu domaćinstva od 301 - 400 KM..... 10 bodova



4. Visina primanja po članu domaćinstva od 401 KM- 450 KM ..05 bodova

5. Visina primanja po članu domaćinstva preko 451..... 03 boda

- Brat ili sestra su redovni studenti (po članu) .....02 boda

- Brat ili sestra pohađaju osnovnu ili srednju školu (po članu).....01 bod

Bodovanje po osnovu socijalnih uslova i materijalnog položaja definisanih u okviru Kategorije 3. će se primjenjivati kao dopunski kriteriji u slučaju kada prijavljeni kandidati imaju isti broj bodova.

#### Član 8.

Ukupan prihod čine prihodi koje članovi domaćinstva ostvaruju po osnovu: plaća i drugih primanja iz radnog odnosa, kao i primanja po posebnim propisima o pravima ratnih vojnih invalida i civilnih žrtava rata. Naknada za ishranu u toku rada (topli obrok) ne ulazi u primanja po osnovu plaća i drugih primanja.

#### Član 9.

Kada prijavljeni kandidati u jednoj kategoriji nakon bodovanja imaju isti broj bodova, prednost će imati kandidat koji:

- Ima veći broj bodova u po osnovu uspjeha u školi
- Ima primanja po članu domaćinstva niža

#### Član 10.

Konkurs iz člana 2. Ove Odluke provodi Komisija za dodjelu stipendija (u daljem tekstu:Komisija), koju imenuje općinski Načelnik.

Konkurs se objavljuje u najmanje jednom sredstvu javnog informisanja.

Zadaci komisije su: pregled prispjelih prijava i priložene dokumentacije, bodovanje i utvrđivanje rang liste po objavljenom konkursu a na osnovu utvrđenih kriterija.

Utvrđivanje određenih činjenica iz podnesenih zahtjeva za dodjelu stipendija Komisija uzima u razmatranje onakve kakve su postojale u momentu – danu zaključivanja konkursa.

Neblagovremene i nepotpune prijave neće se uzimati u razmatranje.

#### Član 11.

Nakon provedenog postupka za utvrđivanje prava na dodjelu stipendija, Komisija će utvrditi preliminarnu rang listu kandidata prema broju osvojenih bodova.

Rang lista će biti objavljenja na oglasnoj ploči organa državne službe, koja obavezno sadrži:

- prezime, očevo ime i ime podnosioca zahtjeva
- broj bodova po svakom osnovu
- ukupan broj bodova

#### Član 12.

Na preliminarnu rang listu se može podnijeti prigovor Općinskom načelniku, u roku od 8 dana od dana objavljivanja na oglasnoj ploči.

Po okončanju roka za podnošenje prigovora Općinski načelnik odlučuje o prigovorima u roku od 15 dana.

Konačnu listu dodijeljenih stipendija i Odluku o dodjeli stipendija utvrđuje Općinski načelnik.

#### Član 13.

Korisnik stipendije gubi pravo na stipendiju ako se u toku akademske-školske godine:

- utvrdi da izabrani kandidat napusti redovno školovanje – studiranje

- utvrdi promijena mjesta prebivališta
- utvrdi da izabrani kandidat koristi stipendiju po nekom drugom osnovu
- utvrdi da mu je izrečena disciplinska mjera isključenja sa univerziteta/škole
- utvrdi da je upućen na izdržavanje kazne zatvora duže od 6 mjeseci
- ako se naknadno utvrdi da je izabrani kandidat dao netačne podatke u vezi materijalnog položaja i socijalnog statusa

Korisnik stipendije koji je izgubio pravo na stipendiju po nekom od osnova definisanih u stavu 1. dužan je da vrati sredstva dobijena na ime stipendije.

*Član 14.*

Za izvršenje ove Odluke zadužuje se Služba za opću upravu, privredu i društvene djelatnosti i Služba za budžet i finansije.

*Član 15.*

Stupanjem na snagu ove Odluke prestaje da važi Odluka o utvrđivanju kriterija za dodjelu stipendija („Sl.glasnik općine Lukavac“, broj: 1/11).

*Član 16.*

Ova Odluka stupa na snagu danom objavljivanja, a objavit će se u «Službenom glasniku općine Lukavac».

*PRESJEDAVAJUĆI  
OPĆINSKOG VIJEĆA*

*Suljo Suljević, prof. soc.s.r.*



Bosna i Hercegovina  
Federacija Bosne i Hercegovine  
Tuzlanski kanton  
Općina Lukavac  
Općinsko vijeće

Broj: 01-02-372-4/12  
Lukavac, 29.02.2012. godine

Općinsko vijeće Lukavac, na 44. redovnoj sjednici održanoj dana 29.02.2012. godine, je razmatralo prijedlog za davanje prethodne saglasnosti Općinskom načelniku za potpisivanje Memoranduma o razumijevanju između Nevladine organizacije Udruženja za zaštitu okolišne svjesnosti i održivog povratka MANIFESTA sa sjedištem u Sarajevu i Općine Lukavac, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08.), i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09) usvojilo slijedeći

#### ZAKLJUČAK

Daje se prethodna saglasnost Općinskom načelniku za potpisivanje Memoranduma o razumijevanju između Nevladine organizacije Udruženja za zaštitu okolišne svjesnosti i održivog povratka MANIFESTA sa sjedištem u Sarajevu i Općine Lukavac.

PREDSJEDAVALA  
OPĆINSKOG VIJEĆA

Suljo Suljević prof. soc.s.r.



Bosna i Hercegovina  
Federacija Bosne i Hercegovine  
Tuzlanski kanton  
Općina Lukavac  
Općinsko vijeće

Broj: 01-31-2122/06  
Lukavac, 29.02.2012. godine

Na osnovu člana 253. stav.2. Zakona o upravnom postupku Federacije Bosne i Hercegovine ( "Službene novine F BiH " br.2/98 i 48/99) i člana 32. Statuta općine Lukavac - prečišćeni tekst ("Službeni glasnik općine Lukavac" broj 5/08), Općinsko vijeće Lukavac na 44.redovnoj sjednici održanoj dana 29.02.2012.godine, donijelo je

### Z A K L J U Č A K

Odbacuje se prijedlog Jahić Munira sina Bećira iz Sarajeva za obnovu postupka okončanog rješenjem ovog organa broj:01-31-2122/06 od 06.11.2006.godine.

### O b r a z l o ž e n j e

Jahić Munir sin Bećira iz Sarajeva, zastupan po punomoćniku Ćosić Mirhi, advokatu iz Lukavca, podnio je prijedlog za obnovu postupka u predmetu prenosa prava posjeda sa SIZ-a stanovanja Lukavac na općinu Lukavac, radi privođenja trajnoj namjeni na nekretnini označenoj kao k.č.br.2431/12 k.o.Lukavac, koji je okončan rješenjem ovog organa broj:01-31-2122/06 od 06.11.2006.godine. Uz prijedlog je podnesen: Ugovor o udruživanju sredstava za izgradnju zanatsko – uslužnog centra u Lukavcu br.03/1-32 od 15.01.1992.godine i Aneks Ugovora o udruživanju sredstava za izgradnju zanatsko uslužnog centra 1 – Lukavac broj:03/1-261 od 13.03.1992.godine između SIZ-a za stanovanje Lukavac kao investitora i PP „Hing“ Sarajevo, po direktoru Česir Husi, kao udružilac sredstava i Ugovor o prodaji od 17.marta 1994.godine zaključenog između PP „Hing“ Sarajevo, zastupan po direktoru Česir Husi ( prodavac) i Jahić Munira sina Bećira iz Sarajeva (kupac), a predmet prodaje je nekretnina označena kao k.č.br.2

Prijedlog nije podnesen od strane ovlaštene osobe (stranke), koja ima pravo tražiti obnovu postupka(čl.247.ZUP-a), jer to nije stranka koja je učestvovala u prijašnjem redovnom postupku (prvostepenom i žalbenom), niti je stranka koja je mogla učestvovati u prijašnjem postupku.Naime u prvostepenom postupku su kao stranke učestvovala JP „Rad“ Lukavac i općina Lukavac ( općinsko pravobranilaštvo). Podnosilac zahtjeva nije ni mogao učestvovati u prijašnjem postupku jer na predmetnoj nekretnini( na kojoj je izvršen prenos prava posjeda) u vrijeme donošenja prvostepenog rješenja, nije imao upisana nikakava prava u zemljišnim knjigama, iz razloga što su predmetni ugovori, koji su zaključivani u vrijeme rata, neprovođivi u zemljišnim knjigama, naročito ugovor o prodaji nekretnine od 17.marta 1994.godine kojim prodavac prodaje nekretninu na kojoj nije imao upisana nikakava prava u zemljišnim knjigama. Na osnovu toga je u skladu sa članom 253.stav 2.Zakona o upravnom postupku, riješeno kao u dispozitivu ovog zaključka

#### Pouka o pravnom lijeku:

Protiv ovog zaključka ne može se uložiti žalba, ali se može tužbom pokrenuti upravni spor kod Kantonalnog suda u Tuzli u roku od 30 dana od dana prijema ovog Rješenja .

PREDSJEDAVALA  
OPĆINSKOG VIJEĆA  
Suljo Suljević, prof. soc.s.r.



*Bosna i Hercegovina  
Federacija Bosne i Hercegovine  
Tuzlanski kanton  
Općina Lukavac  
Općinsko vijeće*

---

*Broj:01-05-694-1/09  
Lukavac, 29.02.2012.godine*

*Na osnovu člana 105. Statuta općine Lukavac – prečišćeni tekst („Službeni glasnik općine Lukavac“ broj 5/08), a u vezi sa članom 20. Etičkog kodeksa izabranih zvaničnika općine Lukavac (“Službeni glasnik Općine Lukavac, broj 8/05, 2/09 i 5/09), Općinsko vijeće Lukavac na 44. sjednici održanoj dana 29.02.2012.godine d o n i j e l o j e*

*R J E Š E N J E  
o razrješenju člana Etičkog odbora*

*I*

*Musić Marinela se razrješava dužnosti člana Etičkog odbora.*

*II*

*Rješenje proizvodi pravno dejstvo danom donošenja, a objavit će se u “Službenom glasniku općine Lukavac”.*

*PREDSJEDAVAJUĆI  
OPĆINSKOG VIJEĆA*

*Suljo Suljević prof. soc. s.r.*



Bosna i Hercegovina  
Federacija Bosne i Hercegovine  
Tuzlanski kanton  
Općina Lukavac  
Općinsko vijeće

Broj:01-05-1704-1/08  
Lukavac, 29.02.2012.godine

Na osnovu člana 35. Statuta općine Lukavac – prečišćeni tekst („Službeni glasnik općine Lukavac“ broj 5/08), člana 26. Poslovnika o radu Općinskog vijeća Lukavac („Službeni glasnik općine Lukavac“ br. 5/06, 2/09 i 5/09), Općinsko vijeće Lukavac na 44. sjednici održanoj dana 29.02.2012. godine, **d o n i j e l o j e**

### **R J E Š E N J E**

*o razriješenju i imenovanju predsjednika i člana Komisije za boračka pitanja*

#### **I**

*Edin Ibraković se razrješava dužnosti predsjednika i člana Komisije za boračka pitanja, a za novog člana i predsjednika iste imenuje se Halilović Miralem.*

#### **II**

*Mandat novoimenovanog člana Komisije vezan je mandatom saziva Općinskog vijeća.*

#### **III**

*Rješenje proizvodi pravno dejstvo danom donošenja i objaviti će se u “Službenom glasniku općine Lukavac”.*

**PREDSJEDAVAJUĆI  
OPĆINSKOG VIJEĆA**

*Suljo Suljević prof.soc s.r.*



*Bosna i Hercegovina  
Federacija Bosne i Hercegovine  
Tuzlanski kanton  
Općina Lukavac  
Općinsko vijeće*

*Broj: 01-02-372-12c/12  
Lukavac, 29.02.2012. godine*

*Općinsko vijeće Lukavac, na 44. redovnoj sjednici održanoj dana 29.02.2012. godine, je razmatralo prijedlog Komisije za izbor, imenovanje i administrativna pitanja za produženje mandata članovima Upravnog odbora JP "Rad" Lukavac imenovanog od strane Općinskog vijeća, te je u skladu sa članom 105. Statuta općine Lukavac - prečišćeni tekst („Sl. glasnik općine Lukavac“ broj 5/08,), i člana 88. i 95. Poslovnika o radu Općinskog vijeća Lukavac (»Službeni glasnik općine Lukavac «br. 5/06, 2/09 i 5/09) usvojilo slijedeći*

#### *ZAKLJUČAK*

*Produžava se mandat članovima Upravnog odbora JP "Rad" Lukavac imenovanim Rješenjem Općinskog vijeća broj:01-02-183/08 od 04.02.2008.godine i Rješenjem broj:01-02-183-2/08 od 17.09.2008.godin na period od 2 mjeseca u skladu sa Zakonom o ministarskim, vladinim i drugim imenovanjima u F BiH.  
Općinsko vijeće traži da se provede procedura za izbor i imenovanje novog upravnog odbora JP "Rad" Lukavac.*

*PREDSJEDAVAJUĆI  
OPĆINSKOG VIJEĆA*

*Suljo Suljević prof. soc s.r.*

*SLUŽBENI GLASNIK OPĆINE  
L U K A V A C*

*Broj: .....3/12*  
*Izdaje : .....Općina Lukavac*  
*Uređuje.....Stručna Služba Općinskog vijeća*  
*Urednik.....sekretar Općinskog vijeća Izeta Bajrić*  
*Tiraž.....75 primjeraka*  
*Adresa.....Općina Lukavac - Općinsko vijeće*  
*Telefon - fax:.....553-253*

*Službeni glasnik izdaje se po potrebi*